

黔陽縣志卷三十九

儒宿傳

通天地人謂之儒儒豈易言哉然學為經師行為士表斯儒行中所堪位置者矣黔陽舊志載十一人而單銓不與今增入三十餘人其諸異乎鄉曲之士與

宋 單銓紹定改元舉鄉貢進士是時朱子弟子饒敏學宰黔陽大修學校創建寶山書院改建縣治州學教授東嘉翁永年為之記碑刻現在即銓所書也明年敏學請於朝始置黔學教授以銓充其選今祀教澤堂

互詳政績略並文學  
單煒傳註

明 廖時雨十歲能文以神童著稱登洪武乙丑進士授鉛山縣令簡默敦篤泊然無所營居官一載遽辭歸益以道自重遠近從學者甚眾著有綠野幽情集行世入祀鄉賢

舊志

黔陽縣志

卷第三十九

儒宿傳

一

周霖洪武丙子舉人任廣西柳州府學訓導持身不苟善於教誨

舊志

危守信成化十二年貢任慈谿縣教諭言行可師老而愈篤

舊志

廖天賜崇正元年貢任江西會昌縣教諭以名德祀鄉賢

舊志○  
教諭袁

淑先芳躅吟盤古山前路攜琴掛一瓢鬢眉真似戟木鐸恍  
聞韶為道樞衣易翻嫌立雪遙典型欽夙昔短髮悵蕭蕭

國朝 向恭軾康熙三十七年拔貢授甯鄉縣教諭居家孝友言動以禮蒞任時課育有方尤為士林欽仰焉

舊志

潘潔字廉伯幼穎異博涉經史有志義理之學凡先代禮樂器數靡不精研綜貫年二十有三撰治平策及主敬圖說識者許其醇正尤務實踐以朱子小學為矩度孝友篤收宗族行古法戒子弟勿與人爭以禮遜為尚嘗謂忠厚為聖賢真種子與子弟論學有曰五德之外無性五倫之外無道學者當於文藝中求實行勿

徒尙浮詞其立言如此康熙戊戌以貢授東安教諭邑樸僿士無威儀潔盡心化導周植桃李於學舍進諸生其中澤以禮朝夕講明正學習爲之化雍正乙巳膺卓薦假歸明年將入都疾作卒於

家

舊志

唐國極雍正元年貢積學有宿望爲邑中後進宗仰壇坫所在人爭趨焉當事以儒宗目之

舊志

潘亦槐拔貢生性穎學博雍正乙卯入都候銓翰林院待詔比歸建扶搖書院授徒講學家頗裕不受修金獎勵後進必以器識爲先文藝次之日以經史自娛不與外事知縣張天如額贈之曰品學超羣

舊志

危震字省原乾隆元年恩貢授慈利縣教諭甫至卽出金修葺黌舍訓士以敦行爲本文藝次之震初爲諸生祭酒遜志希古兼熟

黔陽縣志

卷第三十九

儒宿傳

二

習掌故期於用世晚就儒官一以躬行爲鵠士類知所祈嚮尋卒於官

舊志

周尙義歲貢生任藍山訓導言動有法啟迪維殷時藍尹以事議褫諸生十餘人義知其枉獨持正不少阿且於上憲前再三辨白諸生名得全後歿於任藍人醵金歸其櫬至今猶歌思之

舊志

唐國校歲貢生祖大純見孝友傳父有瑞見文學傳國校出繼有琳自幼聰慧博涉羣書授徒雲麓山房從者至舍不能容尤嚴師範雖盛暑衣冠不釋遊其門者皆知名士卒年八十一榮歐二學師皆有詩弔之

舊志

唐仁亨少負志節嗜讀書乾隆辛酉拔貢初任廣西向武州州判陞任湖北應城縣知縣比歸休家無長物惟書籍自娛德盛禮恭里間有訟者過其廬輒生愧悔邑宰耳公學行延主書院講席多

所成就乾隆四十三年公舉鄉飲大賓卒年八十四士林楷模唯公爲不愧云

舊志

潘尙漣廩貢生性醇謹博涉羣書學有根柢乾隆乙未任湘陰訓導端已率士務以敦行爲先澤其教者甚眾丙午卒於官

舊志

以下

新增

謝家瓚乾隆二年歲貢好古篤行久主龍標書院多所成就性介而和屢爲有司欽重而無一語及私曾孫仁宏光楚等以明經官學師皆其遺澤云年七十六終郡守董思恭親弔其廬誄曰文行

矜式

教諭袁淑先芳躅吟云大雅久云歿情深古調彈此間徵砥柱何處有狂瀾尹姑衣冠舊交遊管鮑難素梧霑葉露餘照

月團團

楊景行字魯峯優廩生生有異徵母孕夢童子自空下踞而承之及生聰穎異常年十四卽通易理邑人潘士權博士以易象樂律

黔陽縣志

卷第三十九

儒宿傳

三

負京師重望所著大樂元音景行爲刪存其要而自著樂論以抒所見潘聞造訪深談數晝夜服其學識遂引爲忘年友尤留心經濟凡天文歷數輿圖古今史事洞悉無遺著有古周易草周易億詩經添聲說春秋纂義左傳彙集郡縣志編定詩韻提綱願體集潛溪文集等書生平孝親敬長砥節礪躬時皆以人師經師宗之鄉村授徒歲至六七十人邑楊兆杏兆李嘗執贄門下遂以滇南籍隸黔陽並致通顯居心長厚人或給之不以爲意嘗應試阮學使學浩歎爲奇才盧學使文弼稱其經義第一盧故邃於經學也以諸生老怡然自如子鶴芳自有傳

纂行述

楊正字匡野一字松園靜默寡言讀書勵行事重闡色養備至乾隆中由歲貢司鐸善化謙己恕人引掖後進士風益振年七十六以無疾卒於官樞歸兩庠送者如雲多至淚下子孫多列庠序

纂行

狀

唐廷佐字才少乾隆己亥舉人生有夙慧早歲能文窮究經史子集皆得要領性敦孝友晚益懍持敬義之學律已待人恆爲學者矜式著有直方堂文集與纂黔陽縣志次子積喆拔貢生

危元福字用五乾隆庚子舉人主講龍標書院十一年教以篤行爲先窮經爲本邑多通儒自此益盛己酉纂修黔陽縣志及與修郡志皆簡潔有法爲人坦白獎勵寒畯如不及乙亥授華容教諭尋兼書院從游如雲及歸邑人士謳思不忘年七十五終著有浙溪詩文集子有懿增生克讀父書著有小西山樵詩集未梓

謝仁宏字含萬乾隆四十六年貢生初署長沙府學旋授東安縣教諭品端學粹天性孝友父母生忌辰每悲咽不食兩弟先歿幼姪八人俱賴以成立卒年九十四歲其三子光楚亦貢生廉肅自黔陽縣志  
卷第三十九 儒宿傳  
四

守署江華縣教諭後授永興縣教諭言方行矩皆有教澤又從姪謝光箴歲貢生性和而介善引掖後進主龍標講席一時有純儒之稱

危人偉字楚材家承諸生十五代充乾隆己酉拔貢錢學使灃羅山長典亟歎爲傑士天性仁孝凡事關祠祭宗族及可以爲人心風俗勸者必竭力先之主講邑書院前後十餘年任沅江縣教諭勸修學宮製祭器教士有方沅瀕湖常多水患偉助邑令行賑晨出夕歸活人無算掩埋屍骸不下百餘棺皆出己貲數年告歸家無長物泊如也著有字辨禹貢圖說忠慶堂文集從清園詩文學者稱秋河先生晚號移山年八十有三終孫德連優貢生援例以主事改同知又庠生危有曜與偉同肄業嶽麓有學行早逝  
易良本歲貢生選邵陽縣訓導未至任家居授徒必先器識經義

文以史漢爲宗從游多知名士易良俶進士嘗出其門性不喜浮屠里中喪葬能用古禮者自本始

向鼎元字吉亨邑增生少壯苦學屢試優等十一赴秋闈不遇於宅右建者纔是書屋課子姪授徒數十年略無倦志著有詩義撮要錄四書滙參精言念先齋詩集尤敦躬行無貧賤卑幼一以善氣迎之時稱其貌道容恭言文志敬向氏黔陽巨族修家乘自鼎元始親睦之義賴以益伸喜談先正格言諄諄爲鄉里曉之老撻風疾十年猶手不釋卷日課孫曾年八十六終子金湯廩生孫渥中教諭曾孫信榮廩生家傳諸生十一世無間

陳仕珮庠生學有根柢言動皆合禮法又同里庠生朝典仕忠仕醅皆有儒者風

楊鶴芳字大來一字松軒庠生父景行以學行著自有傳鶴芳夙

黔陽縣志

卷第三十九

儒宿傳

五

承家訓凡塵世勢利不撓其心天性純孝年及強仕父母一話一言必跪聽維謹家貧而歲得館金於奉養外概以濟人生平處已待人情恕理遣無計較心人服其天真不鑿年九十二預知逝期著有增纂四書摘要學者稱爲大來先生次子興川庠生有操行能世其學嘗集先訓存心立志敦品務實爲傳家四箴纂修族譜家規十二條皆可觀法著有四書辨疑詩餘物類攷可樓迂語崑源存稿等書未刊

石曰瑜字無瑕貢生石金之子家貧授徒邑進士陳道隆幼孤貧曰瑜留讀門下日用飲食恆仰給焉及貴惟瑜妻在進士生養葬祭一以終身瑜子應基幼有神童之目早夭

陳道隆字郅堂嘉慶戊辰舉人丁丑宗學教習己卯進士道光初元舉孝廉方正美風儀善談論文章吏治皆能講求本原初授直

隸臨城知縣旋擢大興知縣以細事被議回籍主教龍標書院每登堂講藝批郅導窾聽者莫不心開當事重其品學並請兼郡書院一時名下士皆出其門咸豐九年在籍襄辦籌餉局捐務因開復原官以教授補用並加五品銜先是家貧力學爲太守藍嘉瓚所識拔弱冠登賢書名噪京師循循以講席終未竟其用也晚更潛心道德焚香讀書年八十一重赴鹿鳴人以爲厚德之報

廖時億字約軒增生少與邑進士易良俶陳道隆齊名稱莫逆交陳尤心折人有譽陳者必謝云品行文章吾不及約軒遠矣性喜資給寒畯邑選貢曾棠光兄弟皆出其門鄉里至今以師範推之鮑如珠貢生品學兼優士人矜式

高其述歲貢生質樸好學善讀易著有衍易圖說

陳昌材字達卿少好學篤行充道光乙酉拔貢生授甯鄉縣教諭

黔陽縣志

卷第三十九

儒宿傳

六

訓諸生以德在任六年一介不苟憂歸哀戚盡禮杜門不出築花雨山房課兒孫遠近附塾者多所財成尤矜恤寒士飲助膏火咸豐六年補郴州桂陽縣教諭以老疾辭性樸素口吃而喜濟人急有某巨奸謀不軌事覺不忍逸曰吾恐累夫期期者耳蓋上司責成鄉紳必得其人也其令人心折如此旁通六壬奇門太乙諸數晚值苗變轉徙流離室被兵燹泊然無動於中人以爲性定故云著有花雨山房詩文集年七十有二終子雯增貢生翰林院待詔餘皆有聲庠序

唐世佳廩生性情高潔子應驤選拔萃科恃才傲物常切戒之有句云口不言錢非薄富兒能知學怕多才蓋純儒語也少病廢右臂以左手操觚染翰超邁恆流與弟世任相師友著有從所好齋

詩集

廖榮綬廩貢生歷署辰州府教授溆浦縣訓導約束士人以敦本爲務

段諤廷字訥庵道光壬辰歲貢少能文博學數奇不遇乃閉戶著書所著集字音訓二十四冊援經据傳無義不搜歿後長沙黃木驥見其書歎爲博洽爲分編四書字詁羣經字詁七十八卷序以行世十七年以捐修義學奉 旨紀錄一次

高志遜字敏齋貢生品端學粹主講龍標書院英俊翕然從遊寒峻諸生助之膏火給其衣物成就最多晚游江左詩力益進著有淡園詩草

楊興仁字元圃貢生少與邑進士易良俶爲莫逆交俶性豪邁興仁動循古誼一以禮法繩之俶敬禮如嚴師家貧課徒於卧龍村之道南軒門下士不下數百蜚聲以去者八十餘人學爲儒宗老

黔陽縣志

卷第三十九

儒宿傳

七

而弗倦年七十二終時稱塾師者多首推之累代以諸生世家曾孫楚材同治癸酉拔貢

李思蘇字紹泉貢生讀書善悟臨選訓導謝弗往邑令重其品學聘主龍標書院造就有方年八十歲終

易中孚歲貢生人品學問具堪矜式授經里中皆有根柢弟中明拔貢教授常德實得其淵源云

楊珠芳字還浦邑廩生少以古聖賢自期常取先儒格言徧列座右不違尺寸爲文不務時趨固窮守己臨貢而終

向敦仁附貢生署桂陽縣教諭品行端方人皆欽仰家居恆多義舉

欽隆中廩生家貧力學足不履城市又廩生欽隆勛以實行友教人多取法

危成鵬廩生力學敦實行著有學庸集解

邱茂棠字愛伯廩生家貧力學授徒三十餘載嚴而有法尤善講論聽者輒爲傾倒故從游者率得其意以去

楊樟字香山歲貢生天性孝友學績品端族里矜式

羅大緯字覺軒郡庠生事親色養備至讀書以古人自勵常取先正格言徧貼壁間動作語默尺寸不苟盛暑夜寢未嘗解衣嫌其不恭每日必計過無憾彌月焚香告天歷年無倦心交友勸善規過不稍假借人往往樂其真摯而畏其謹嚴蓋儒行中完人也家貧以醫術濟人年未四十而歿聞者惜之

楊大聲字雲門由廩貢任湘陰茶陵等處訓導立義學勤月課約束嚴明涖任十餘載多所成就性孝友事大母繼母朝夕奉養疾病扶持曲盡心力父老自盲每夜焚香告天願己瞽一目俾老親

黔陽縣志

卷第三十九

儒宿傳

八

稍能視物果如所請及父死兩目並明從弟同居析產讓腴生平好義急公嘗捐義地收瘞遺骸助學師黃本驥倡修學宮增造祭器樂器臚列於石重新周靈佑伯祠廣祭田以崇祀典道光二十八年檄署新甯縣教諭以親老辭不赴任甫數月而李逆滋事當事多懼其害聲以不與獲全人謂仁孝所致年七十歲終兩孫皆列於庠楚江廩膳生

胡昶榮歲貢生就職訓導兄薦榮晉榮皆有學行昶尤孝友敦篤居鄉培植善類啟迪後進恆如不及一時知名士多出其門著有易經解義